



## MAS-CHALCH

### Publicaziun da fabrica

In basa a l'uorden davart la planisaziun dal territori pel chantun Grischun OPTGR, (KRVO) art. 45, sun expostas pro l'administraziun cumünala las seguintas dumondas da fabrica.

|                                                                                                                                                  |                                                              |                                                      |                              |
|--------------------------------------------------------------------------------------------------------------------------------------------------|--------------------------------------------------------------|------------------------------------------------------|------------------------------|
| <i>petent</i><br>Renè Hassler<br>Tobelgasse1, 7208 Malans                                                                                        | <i>fracziun</i><br>Tschlin                                   | <i>lò da fabrica</i><br>Puzzins 1-334, parcella 7025 |                              |
| <i>inlplant da producziun da pelletstent da fabrica</i><br>Spostamaint da la tschuffa, sbodamaint e refabricaziun                                | <i>zona(s) / inventar(s)</i><br>d'agricultura, BLN Piz Arina | <i>publicaziun dals</i><br>13.08.2026                | <i>fin als</i><br>01.09.2026 |
| <i>dumonda per permiss supplementar cun dovair da coordinaziun</i> <ul style="list-style-type: none"><li>• permiss pulizia da fö (GVG)</li></ul> |                                                              |                                                      |                              |

|                                                                                                                                                  |                                                 |                                                     |                              |
|--------------------------------------------------------------------------------------------------------------------------------------------------|-------------------------------------------------|-----------------------------------------------------|------------------------------|
| <i>petent</i><br>Armon Lingenhag<br>Seraplana 123A, 7558 Strada                                                                                  | <i>fracziun</i><br>Ramosch                      | <i>lò da fabrica</i><br>Fuschna 284B, parcella 5008 |                              |
| <i>inlplant da producziun da pelletstent da fabrica</i><br>Sanaziun interna da la chamonna existenta                                             | <i>zona(s) / inventar(s)</i><br>da silvicultura | <i>publicaziun dals</i><br>13.08.2026               | <i>fin als</i><br>01.09.2026 |
| <i>dumonda per permiss supplementar cun dovair da coordinaziun</i> <ul style="list-style-type: none"><li>• permiss pulizia da fö (GVG)</li></ul> |                                                 |                                                     |                              |

Recuors e protestas da dret public cunter intents da fabrica sun d'inoltrar in scrit dūrant il temp da publicaziun pro la suprastanza cumünala, Poz 86, 7556 Ramosch.

Administraziun da fabrica

### Elecziun complementara pella suprastanza cumünala

Ursina Caviezel ha demischionà sia carica sco commembra da la suprastanza cumünala sūls 31 da december 2026. Cun quai cha la perioda d'uffizi dūra amo fin la fin dal 2028 esa da far ün'elecziun complementara pel rest da la perioda d'uffizi (art. 13 constituziun cumünala).

Propostas in scrit per l'elecziun complementara das-chan gnir inoltradas a man da la suprastanza cumünala fin als 15 da settember 2026.

Mincha candidatura inoltrada in scrit vain publichada il prossem di da lavur sūlla pagina d'internet ed aint il sistem d'infuormaziun digital dal cumün. La publicaziun dals noms succeda in uorden alfabetic.

Natūralmaing pon gnir fattas propostas in möd direct eir a chaschun da la radunanza electorala. Quella ha lö ils 2 october 2026 a Strada.

La suprastanza cumünala

### Retschercha da zechas i'l chantun Grischun

L'institut WSL per la perscrutaziun da naiv e lavinas (SLF) a Tavo fa actualmaing üna retschercha davart la derasaziun da zechas i'l chantun Grischun. Tscherschadas vegnan observaziuns da zechas vi dad umans, bes-chas da chasa e da nüz. La retschercha dūra be var 5–10 minuts e's drizza a persunas da tuot las regiuns ed otezzas dal Grischun. Cun Vossa partecipaziun prestais Vus üna contribuziun importanta a la perscrutaziun e güdais a chapir meglder il svilup da la derasaziun da zechas e ris-chs pussibels per la sandà.

Access per la retschercha: [www.slf.ch/zeckenumfrage](http://www.slf.ch/zeckenumfrage)

Ulteriuras infuormaziuns davart il proget as chatta suot: [www.slf.ch/de/news/ticktrack-eine-umfrage-auf-der-spur-der-zecken](http://www.slf.ch/de/news/ticktrack-eine-umfrage-auf-der-spur-der-zecken)

Grazcha fich pel sustegn!

## Scumond absolut da far fö

Causa la gronda süttina regna amo adüna in tuot il chantun grond privel da fö. Per tuot il territori dal cumün da Valsot vala seguintamaing:

- **Scumond absolut da far fö sün tuot il territori dal cumün**
- **Il scumond vala eir per tuot las zonas d'abitar**
- **I nu das-cha gnir fat adöver da föclers e da grills da laina e da charbun**
- **Grills cun gas e grills electrics sun admiss, quai cun gronda precauziun**

Il cumün appellescha a tuot la populaziun ed a giasts da resguardar strictamaing ils scumonds surmanzunats. Il scumond vala fin pro üna prosma valütaziun.

Possessurs/as d'abitaziuns da vacanzas, pensiuns ed hotels vegnan giavüschats dad infuormar a lur giasts.

Suprastanza cumünala

## Vendita da las parcelas da la Società da Meglioraziun Ramosch (terrain da massa)

Las parcelas novas da la meglioraziun sun daspö la publicaziun uffiziala da la masüraziun legalmaing valablas. L'inscripziun da la proprietà aint il cudesch fundiari nun ha amo pudü gnir fatta. Quella sto gnir decretada da la Regenza. Avant co inoltrar quista dumonda ston però gnir vendüdas tuot las parcelas in proprietà da la società da meglioraziun (uschè dit terrain da massa).

La suprastanza da la società da meglioraziun ha perquai decis da far quist pass e da publicar quattras la vendita. Ella ha relaschè ün reglamaint tenor che criteris cha'l terrain vain o po gnir vendü. Da quist reglamaint e da la glista da las parcelas chi vegnan vendüdas incl. ils predschs po gnir tut invista sülla pagina d'internet dal cumün da Valsot ([www.valsot.ch](http://www.valsot.ch)). Pels plans da las parcelas po gnir consultà la pagina d'internet dal büro Darnuzer ([www.darnuzer.ch/web-gis-bestellungen](http://www.darnuzer.ch/web-gis-bestellungen)). Sper il reglamaint relaschè da la suprastanza ston gnir resguardadas pro la vendita eir las prescripziuns dal BGBB.

Chi chi ha interess da cumprar parcelas po annunzchar quai in scrit a la seguinta adressa:

Società da meglioraziun  
c/o Cla Nogler  
Stradella 62  
7556 Ramosch

Termin d'inoltraziun: **30 settember 2026**. La busta sto gnir munida culla remarcha **“terrain da massa”**.

Ulteriuras infuormaziuns dà il president da la società da meglioraziun (Tel. 079 226 22 18).

Società da meglioraziun da Ramosch

## Infuormaziun davart s-chavamaints archeologics a Ramosch

Dals 24 avuost fin als 4 settember 2026 sun previs tanter la Motatta e la Motta sco eir pro'ls prümarans Chant Dadaint s-chavamaints archeologics.

Chi chi ha interess da quistas lavuors po fich jent ir a verer dūrant quistas duos eivnas pro la Mottata o pro'ls prümarans Chant Dadaint.

**In sonda, ils 29 avuost** ha lö ün'exkursiun da la società da las scienzas natüralas grischunaisa. Per tuots chi han interess daja a las **14:30** aint illa **chasa cumünala Poz** ün referat sur dals resultats da perscrutaziun.

Las lavurs vegnan accompagnadas da la Fundaziun Pro Terra Engiadina. Daplü infuormaziuns as tschüffa pro: [info@proterrae.ch](mailto:info@proterrae.ch)

## Concert da rock culla band Krokodil – 29 avuost 2026 a Tschlin

Quist on riva la band da rock legendara Krokodil (fundada dal 1969) cun lur 11avel album aint il bagagl a Tschlin e driva quia lur turnea actuala. Quai dvainta sgüra ün highlight musical, na be per amatuors da la musica da rock.

**Data:** 29 avuost 2026 **Lö:** Sala polivalenta Tschlin **Ura:** 20:00 **Avertüra:** Bengiamin Denoth **Entrada:** frs. 30.00 (Commembers Musica in Cumün: frs. 20.00.) **Spüerta** cun tschaina ill'Ustaria Tschlin, concert, pernottaziun e culazchun per frs. 200.00. **Annunzchas** pro Urs Kellenberger: [urskel@bluemail.ch](mailto:urskel@bluemail.ch) o 079 / 656 14 47